

OZGÖRSCOUT

1 / 2019
schnen, 4. annada



prüma classa a Sent



prüma classa a Ftan



prüma classa ad Ardez



prüma classa a Tarasp



prüma classa a Scuol

Bainvgnüs...

Rafael Almeida Pinheiro, Luca Andersag, Marcio Rodrigo
Barbosa Monteiro, Nevin Bazzell, Andrin Benes, Lena Borges
Pereira, Leonor Bezerra Goncalves, Aaron Birrer, Mias
Blanke, Alissa Cantieni, Milena Valentina Castellani, Martinho
Cirurgião da Cruz, Andri Erni, Emily Fliri, Damian Franziscus,
Gianna Lucia Fröhlich, Nael Giacomelli, Elin Guntern, Leona
Hajraj, Niculin Hiederer, Maja Jovanovic, Fabiana Loher, Pedro
Manuel Matos Oliveira Ferreira, Lenny Mayer, Naya Melcher,
Leonor Santos Neiva, Diego Paradela Dos Reis, Mirco Scan-
della, Theresia Diana Schmid, Ramun Hauser, Emilia Stoye,
Maurin Tiago Janett, Selina Lampert, Corsin Leandro Rizzi,
Enrico Leon Taisch, Maximilian Weinberger, Severin Willy



Novisco

LA « PAUSA »

Las 9.35 sclingia, id es ura per far üna «pausa». Paca pezza davo esa fini culla quietezza. Las vuschs da 40 uffants resunan in nossa chasa da scoula. Chi tschübla, chi chanta, chi sbraja, chi fa svelt e chi fa plan. Ma tuots fan alch, ir a «PAUSA»

Pro no a Ftan van eir ils uffants da la scoulina a «pausa» culs gronds. Quai es alch ün pa special. Ils uffants da la scoulina han nempe ün pin o üna mima chi pissera per els. Quai sun las scolaras e'ls scolars da la 5 e 6avla classa. Il périn vain trat oura dûrant la prüm'eivna da l'on da scoula. Güsta al principi da l'on da scoula douvrano ils pitschens amo ün pa sustegn dals gronds, per exaimpel per introduer las reglas da la plazza da scoula. Plü tard cur ch'els nu douvrano plü tuot il sustegn resta üna bella amicizcha. Mimas e pins accumpognan a lur figlioula o a lur figlioul davo la «pausa» in scoulina e minchatant resta dafatta ün minutin per dar ün cuc che chi'd es gnü giovà, zambrià o disegnà. Ultimamaing han els güdà a far il lö d'inscunter aint il godin cha la scoulina visitesch regularmaing.



A no plascha dad esser mimas, perche chi s'es insembel culs pitschens,
i rian subit e quai ans plascha. Eir scha no vain minchatant greiv,
perche cha no eschan ninas da traïs da scoulina.
E quai sun Jon Andri, Corina e Jasmin.

Jasmin e Chiara.



Eu sun mima
da Ronja.
A mai plascha
quai fich bain,
da güdar als
pitschens.
Cristina



Eu sun pin da Valentina.
Eu nu stoss guardar
bler da Valentina,
ella fa tuot suletta.
Nus giain eir aint il god
e là vaina fat ün rinch
d'inscunter e giain a far
da tuot las sorts cun els.
Mario



Damian es meis
figlioul.
Quai es flot e no
giovain fich bler.
Michel



Eu sun güsta gnü pin da
Valentina.
Ella es üna scolarina
motivada.
Il prüm d'eira ella ün pa
tmücha.
Id es "cool" dad esser
insembel cun ella.
Andri



Eu sun pin da
Valentina insembel
cun Andri. Eu nun
ha gugent da far
quista lavur, eu nun
ha pudü cleger oura
svess il figlioul.
Sandro



Eu sun pin da Max.
A mai para quai üna
buna roba i's po
ramassar bleras
experiencias.
Fabrizio




In scoula sun eu pin da
Levi. No eschan its eir
cun els sül god
e vain fat ün rinch da
romma.
Id es fich flot cun Levi.
Loris



Visiuns ed ideas per üna nouva plaza da scoula

Scha nus da la terza secundara pudessan contribuir nossas ideas ad ün futur müdamaint da la plazza da scoula a Scuol, fessan nus las seguantas propostas:




Nus s-chaffissan ün lö per mütschir da la plövgia. Sco lö adattà per lezchas e recreaziun propuonina ün indriz simpel e modest, ma listess modern, cler e confortabel. L'idea füss üna sort construcziun da lain cun grondas fanestras e plantas per far gnir ün pa plü amiaivel l'apparentscha da quist obstacul. L'indriz da lain cuntgness ün pitschen kiosk, ün chantun cun cuedeschs e cuotschias ed üna part

per giovar gös da cumpagnia. Da cumprar dessa frütta e buns panins. Quist lö füss optimal sco lö da recreaziun per la maisa da mezdi pels scolars dals differents cumüns. Implü pudess il cumün far adöver da quist local sco lö d'inscunter per giuvenils dûrant il temp liber. Immez la plazza dessan gnir implantats ün pêr bös-chs. Intuorn ils bös-chs dessa dar surfatschas cun erba, per chi's possa star pacific pro bell'ora. I füss eir bel dad avair amo ün pêr maisas cun parasulais e sopchas sulla plazza. Quistas as pudessa utilisar per lavurar la stà eir dadoura.

Minch'eivna vess üna classa l'incumenza da manar la pitschna ustaria da posa e cultivar la plazza da scoula. Las lavurs cumpiglian il pisserar per nettaschia sün plazza da scoula, las cumischius e la survaglianza da las reglas cun agüd dals magisters. Nus eschan persvas cha cun simplas masüras as pudessa imbellir nossa plazza da scoula da maniera creativa. Surtuot cun rimplazzar il catram cun daplü parts natüralas sco p.ex. surfatschas verdas cun erba e plantas, füss nossa plazza fingià bainquant plü bella e na be grischa e sainza vita.

*Auturs ed auturas da la 3. secundara Scuol: Finja, Linard, Romina, Severin, Bigna, Noelle, Alina e Laura
Disegns: Severin e Linard*



Novitats dal cussagl da scoula

La prüma perioda d'uffizi dal cussagl da scoula es ida a fin. No vain gnü quatter ons intensivs. La visiun da la gruppera da fusiun da crear tschinch lös da scoula cun ün'operativa da mainascoulas es gnuüda fixada illa missiva. Cuort davo la fusiun ans vaina miss in tschercha da persunas chi füssan prontas da far la scolaziun da mainascoula e da manar lur scoula illa fracciun. Nus eschan fich grats cha quai es reuschi e cha quista nouva fuorma chi ha caracter da pionier in nos chantun ha pudügnir realisada. L'operativa dals mainascoulas schlicherischa bainquant la laver dal cussagl da scoula, quel percenter as po dedichar plü ferm a dumondas strategicas. I'l s'ons scouls vaina gnü da „stüder amo oters fös“, però in avegnir es il böt da pudair proseguir eir böts a lunga vista per nossas scoulas. Quist sarà üna da las lezchas pel nouv cussagl da scoula chi cumainza cun sia laver in schner 2019.

Il cussagl da scoula piglia cumgià da Seraina Felix da Sent, Peter Fröhlich da Ftan, Nina Häfner da Guarda e Reto Pedotti chi d'eira il delegià da la suprastanza cumünala. Ün cordial bivgnaint pudaina dar a Judith Cantieni sco rapreschantanta da Ftan, Jan Sedlacek da Sent e Claudia Staffelbach da Guarda. La suprastanza cumünala ha d'incuort scumparti ils decasteris. Il rapreschantant da lur vart i'l cussagl da scoula es Fadri Häfner da Guarda. Annina Mengardi sco rapreschantanta dad Ardez, Barbara Niederhauser da Tarasp ed Anna Mathis da Scuol restan ün'ulteriura perioda d'uffizi i'l cussagl da scoula.

Eu less ingrazchar als cugliers partents per lur grond ingaschamaint e las interessantas discussiuns a favur dad uffants e magistraglia e giavüsch als nouvelets ün bun cumanzamaint.

Anna Mathis, presidenta dal cussagl da scoula

Cumgià

Da pudair far part al cussagl da scoula dal 2014 fin dal 2018 es stat per mai ün temp interessant ed üna gronda sfida. Eu giavüsch al nouv cussagl da scoula success, perseveranza e furtüna. – Nina Häfner, Guarda

Il cumgià dal cussagl da scoula causa mia actività professionala nun es simpel per mai. Dals quatter ons passats am regordaraja gugent da nossas discussiuns fattas cun stima e dad avair inseguì insembeils böts i'l cussagl da scoula, da la stretta collavuraziun culs manaders e las manadras da scoula e dals discours personals inrichants cun persunas d'instruczión. Quist temp d'eira caracterisà dad üna vart da prunas dumondas individualas da scolars, ma da tschella vart eir da decisius importantas per la strategia da scoula. La basa per nossas decisius d'eiran adüna impiissamaants orientats vers il futur ed incentrats süls scolars.

Nossa presidenta, duonna Anna Mathis, merita meis grond ingrazchamaint per seis ingaschamaint instancabel a favur da noss uffants. Ella es fich attenta a chattar soluziuns objectivas e fairas. I tilla sta a cour da trattar tuot las dumondas dals scolars in maniera eguala. Sar Mario Rauch ha in sia funcziun sco manager da la scoula da Scuol ün grond merit per la buna incletta tanter las direcziuns da tuot

las scoulas ed il cussagl da scoula. Grazcha a retscherchas acribicas sün tuot las tematicas possiblas in connex cun l'educaziun ha Mario Rauch elavurà ün savair fundà dal qual il cussagl da scoula ha suent pudü profitar. A tuot las collegas ed a tuot ils collegas dal cussagl da scoula e da las direcziuns da scoula ingrazch eu pel temp cumünaivel.

Pel futur giavüsch al nouv cussagl da scoula bleras ideas creativas ed innovativas, e per tillas realisar ün proceder persistent. Las scoulas dal cumün da Scuol sun in concurrenzä constanta cun oters instituts d'educaziun e ston respunder activmaing als müdamaints economics e socials. Noss scolars giavüsch an una scoula chi tils renda fits per lur futur, uschè chi pon exister cun lur savair e lur competenzas eir d'utró, our da l'Engiadina. Al cussagl da scoula giavüsch bler curaschi ed abiltà da s'impuonder i'l survendscher las incumbenzas futuras. – Peter Fröhlich, Ftan

Meis temp sco cugliera da scoula m'ha dat bleras invistas interessantas in üna materia nouva. Plaschü m'ha da verer il svilup dals bruozels chi van a scoulina fin pro'ls matatschs dal s-chalin ot cun lur vuschunas. Il pled da finischun pel on da scoula chi d'eira part da mia lezcha, ingio chi's trattaiva lura da tour cumgià da scolaras e scolars, d'eira üna sfida per mai. D'üna vart vezzond quistas giuvnas e quists giuvnots, pronts per nouvas experienzas e da tschella vart as vaiva minchatant eir da tour cumgià da persunas d'instrucziun fich ingaschadas. Uossa nun haja plü da star devant ün public grond e poss scriver meis pér pleuds da cumgià dal cussagl da scoula. Eir quista lezcha nun es uschè simpla per mai. Adonta a bleras differentas sfidas possa verer inavo sün ün bel temp cun richas invistas e vastas experienzas. Eu n'ha predschà fich la buna collavuraziun ed il respet vicendaivel da la laver in vos team. Grazcha fich! – Seraina Felix, Sent

Co cha tuot passa! Avant 62 ons n'haja pudü cumanzar la scoula a Ftan. In prüma classa d'eiran no in tschinch, traïs mattas e duos mats. Meis collega Artur ed eu vaivan gnü üntal plaschiar cur cha'l magister ans ha surdat la tabletta, quel famus cudaschet blau cun seis purtrets da bellezza. No duos mats d'eiran talmaing inchantats dals disegns – leger, quai nu savaivna amo – cha no vain cumanzà a trar oura ils föglis per tils tour cun no a chasa. Il magister Rauch as vaiva talmaing grittantà da nos agir ch'el ans ha manà devant quel portun da fier sper l'entrada da la chà da scoula. Là ha'l lura dit cha scha no fetschan amo üna jada üna tala baschatta, schi ch'el ans metta in quella parschun. Pür davo eschna gnüts a savair cha quel local cun quel üschun da fier d'eira l'archiv cumünal. Quai es mia ferma regordanza dal prüm di da scoula ed eir quella da meis conscolar Artur chi'd es i a star fingià davo pac temp sü Samedan.

Eu giavüsch a scolaras e scolars, magistraglia e cussagl da scoula da nos cumün fusiùn blera satisfacziun, bels inscunters ed insacura eir bunas algordanzas. – Reto Pedotti, Ftan

Bivgnaint

Aint il cussagl da scoula rapreschaint eu la fracciun da Guarda. Eu m'allegri ad üna buna collavuraziun cun tuot quels e quellas chi sun parteicipats/partecipadas ed ingaschads per üna buna scoula. I'm fa plaschiar da pudair rapreschantar

il punct da vista da genituor ed eir quel d'üna duonna da professiun. Eu sun nada e creschüda sü i'l chantun d'Argovia e stun fingejä daspö traidesch ons cun mia famiglia a Guarda. Noss mats han ot e traidesch ons e van a scoula ad Ardez ed a Scuol. Davo meis prüm manster n'haja frequentà la Scoula sociala a Lucerna. Hoz maina il Servezzan social regiunal a Scuol, ün post da cussagliazui dal Chantun Grischun. Dürant meis temp liber sun eu gugent insembeil cun mia famiglia, laver in meis pitschen üert o vegn a cuorri. – Claudia Staffelbach, Guarda



Eu stun daspö l'on 2011

a Ftan. Avant vivaiva a Lucerna e là n'haja fat meis stüdi da magistra da scoula primara. Eu sun mamma da duos mattas. La matta gronda va uossa a Ftan a scoulina. Eu cugnuosch la scoula da differentas varts. Sco scolara, magistra ed uossa eir sco mamma. Per mai esa fich interessant, da verer uossa, che chi capita tuot davo las culissas d'üna scoula. Eu sun mincha di our il liber ed il plü gugent n'haja l'inviern cun blera naiv. Judith Cantieni, Ftan



Meis ons da scoula

n'haja passantà a Sent e davo avair ragiunt la matura a l'Institut da Ftan suna i pel muond. Avant traïs ons vaina decis tuot la famiglia da viver in Engiadina. Mia duonna es magistra e no vain traïs uffants chi van a scoula. Discussiuns dals bsögns e da las difficultats our dal punct da vista sco genituor, sco scolar e da la magistraglia vaina gnü in famiglia fingejä diversas. Eu m'allegri da cintuar quistas discussiuns i'l cussagl da scoula. Da manster suna climatolog e n'ha laverà in universitats in Svizra ed a l'ester. Avant 2 ons n'haja fundà cun ün pér pluoders ün'aigna firma ed uossa lavery a Sent sco responsabel pell'analisa da datas. – Jan Sedlacek, Sent





In algordanza

Chara Larissa.
Ils bels mumaints cha no vain passantà cun tai ans restan in algordanza. Tia classa, 2. reala e 2. secundara, scoula Scuol

«Cur cha tü guardast il tschêl la not, vegn quai ad esser per tai sco scha tuot las stailas riessan perquai ch'eu vegn ad abitar sün una da quellas, perquai ch'eu vegn a rier sün una da quellas. Tü hast lura stailas chi san rier!»

our dal pitschen prinzi da Saint-Exupéry



**Infoinformaziuns ed actualitats
as poja leger suot:
www.scoula-scuol.ch**

Arrandaschamaints specials

Proget da las scoulinas Sent e Scuol

Noss'eivna da proget ha lö la prüm'eivna da gün. Reservai ils 7 gün per la rapresentaziun e stat fin là cul buonder.... I sarà ün grond evenimaint per tuots e no'n allegrain!
Las muossadras

Tuot las scoulas dal cumün da Scuol e Valsot

4 gün 2019 festa d'uffants oura Valsot (datas da reserva: 6 e 7 da gün 2019)

Scoula da Sent

mai/gün 2019	projet d'art da la scoula e scoulina da Sent (exposiziun illa Grotta da Cultura)
15 gün 2019	concert dal coro da proget insemel culla 5 e 6avla classa da Sent
17 – 21 gün 2019	projet da god da la scoulina da Sent

Scoula da Tarasp

12 favrer 2019	olimpiada d'inviern per noss scolars e nossas scolaras da la scoula primara e da la scoulina
----------------	----------------------------------------------------------------------------------------------

Ils programs da l'on vegnan adattats tenor bsögn illa pagina d'internet www.scoula-scuol.ch

Uras d'avertüra da las bibliotecas

Ardez

lündeschdi	15.00 fin 16.30
gövgia	19.00 fin 20.00
sonda	16.30 fin 18.00

Ftan

mardi	16.00 fin 17.30
gövgia	19.00 fin 20.00
sonda	16.00 fin 17.30

Scuol

lündeschdi	16.00 fin 18.00	19.30 fin 21.00
marcurdi	09.00 fin 11.00	19.30 fin 21.00
venderdi	16.00 fin 18.00	
sonda	16.00 fin 17.30	

Sent

lündeschdi	16.30 fin 17.30
gövgia	19.00 fin 20.00
sonda	16.30 fin 17.30

Scoula Scuol

Manader da scoula	Mario Rauch	mario.rauch@scoula-scuol.ch
Secretaria	Gretta Ursina García-Nogler	Tel. 081 861 27 62
Pedels	Elmar + Elisa Schöpf	Tel. 081 861 27 60
Tel. stanza da magisters	081 861 27 63	
E-mail	secretariat@scoula-scuol.ch	
Uras da büro	lündeschdi e marcurdi	08.00 - 09.30

Scoula Sent

Manader da scoula	Gian Caviezel
Pedel	Silvio Vital
Tel.	081 864 05 52
E-mail	giancaviezel@gmx.ch
Uras da büro	lündeschdi 10.45 - 11.45 e mardi 15.15 - 16.15

Scoula Ftan

Manadra da scoula	Martina Näff-Benderer
Pedella	Raja Schulze
Tel. stanza da magisters	081 864 09 29
E-mail	martinanaeff@hotmail.com
Uras da büro	lündeschdi 14.00 - 16.00

Scoula Tarasp

Manadra da scoula	Aglaja Gallmann	Tel. 081 864 01 29
Pedella	Seraina Ammann	Tel. 078 764 61 79
E-mail	scoula.tarasp@scuol.net	
Uras da büro	gövgia 14.15 - 15.00	

Scoula Ardez

Manader da scoula	Duri Janett	duri.janett@gmail.com
Pedella	Marie Luise Taisch	Tel. 079 469 12 03
Tel. stanza da magisters	081 862 23 10	
Uras da büro	gövgia 13.30 - 16.05	

*Las vacanzas da Nadal a Sent cumainzan als 25 december 2019.

Üsanzas

Scoula

07.01.2019 - 01.03.2019	02.03.2019 - 10.03.2019
11.03.2019 - 03.05.2019	04.05.2019 - 19.05.2019
20.05.2019 - 28.06.2019	29.06.2019 - 18.08.2019
19.08.2019 - 04.10.2019	05.10.2019 - 20.10.2019
21.10.2019 - 20.12.2019	21.12.2019 - 05.01.2020*

Vacanzas

02 favrer 2019	Schüschaiver
01. marz 2019	Talocs
02 marz 2019	Chalandamarz
20 dec. 2019	Nadal da scoula

Scuol

11 schner 2019	Pangronds
02 favrer 2019	Hom Strom
01. marz 2019	Chalandamarz
20 dec. 2019	Nadal da scoula

Sent

01. marz 2019	Chalandamarz
24 dec. 2019	Nadal da scoula

Tarasp

01. marz 2019	Chalandamarz
19 dec. 2019	Nadal da scoula

Ardez

01. marz 2019	Chalandamarz
**	Nadal da scoula

Guarda

28 favrer 2019	Chalandamarz
01. marz 2019	Chalandamarz

** Nadal da scoula

Dis da festa

19 - 22 avrigl 2019	Pasqua	09 - 10 gün 2019 Tschinquaismä
30 - 31 mai 2019	Ascensiun + punt d'Ascensiun	1. nov 2019 Festä da tuot ils Sonchs (be Tarasp)

Quist chalender rimplazza tuot ils chalenders chi sun gnüts publichats plü bod!

** La data da Nadal da scoula ad Ardez e Guarda vegn datta cuntschainta plü tard



GUARDÉZ

Nus vain da sclingir a la posa. Quai fan quels da la 5 e 6avla classa. Minch'eivna ha inchün oter da sclingir. Minchatant esa flot e minchatant neir na, perquai cha nus vain da verer süll'ura. Lura as invlida quai ed i's sclingia massa tard. Schi s'ha da verer süll'ura nu s'haja inandret posa. Eu giouv a posa a ts chüffer sulla rampchera, minchatant giouva a ballapè. Sch'eu nun ha vöglia da far nöglia discuorra cun mia amia. Eu giud la posa.

Xenia

Eu stoss sclingir a la posa. Uschinà giouva a tschüffer e d'inviern giouva aint illa naiv. Sclingir es per mai stantus. Id es però eir flot cha nus pudain sclingir, uschinà füss tuot mecanic. A mai para eir flot sch'inchün oter ha da sclingir.

Cyril

Pro nus vain nus da la 5 e 6avla classa da sclingir a la posa. Na sco in otras scoulas sco giò Scuol e Sent chi sclingia da sai. Nus sclingin cun üna schellina. Minch'eivna ha ün oter da sclingir. Pro nus giouva eir sar Duri dürant la posa a ballapè. A mai para eir flot cha cur chi'd es glatsch pudaina giovar a hockey dürant la posa.

Adrian

Quia ad Ardez vaina da sclingir culla s-chellina per cha tuots sapchan chi'd es da gnir aint. A mai nu plascha quai uschè bain perquai cha lura sto adüna inchün verer süll'ura e quai nu para a mai uschè flot. Eu passaint la posa cun giovar a ballapè e d'inviern cun hockey. A mai para fich flot chi fan ün glatsch e chi's po giovar a hockey.

Sandro

Nus vain da sclingir lura vaina dad ir darcheu in scoula. Là vaina lura da lavurar inavant. No vessan eir üna sclingia automatica, ma quella nu vegn dovrada. Pro nus giovaina a ballapè e d'inviern traina buorras e dain lavadas. Nus fain instant 5 e 6avla classa cunter il rest. Nus guadagnain adüna perquai cha nus train plü ferm e lura nu's riva da tschüffer la balla e far goals.

Fadri

Sclingir a la posa nu fa don. Eu nu chat uschè mal ed id es bun da müdar giò. Minch'eivna ha da sclingir ün oter uffant. La posa es flotta. I's po ir sün Craistetta, giò'n scoulinà e minchatant giovaina a lader e bulla, a tschüffer o a ballapè. Id es flot cha sar Duri giouva eir a ballapè. Quai nu fa mincha magister. Minchatant discuorra eir be cun mias amias. Da stà eschna sulla rampchera e provain da chattar oura nouva roba. Cun craidas pudaina eir disegnar.

Ursina



A la posa ad Ardez staina sclingir e guardar las quantas chi'd es per ir punctualmaing aint in scoula. Sclingir es ün pa stantus e cur cha nus giovain alch, staina bleras jadas guardar sulla lura per cha nus nu sclingin massa tard. Nus vain duos plazzas. Üna es grischa, tschella cotschna. Sülla cotschna giovaina a ballapè e sulla grischa pudaina tour oura giovarets e giovar cun quels. Ils giovaret as poja eir tour sulla piazza cotschna, ma blers piglian oura ils giovarets e giovan cun quels pro la piazza grischa. D'instà sun tuots pro la piazza cotschna e giouvan a ballapè ed otras sorts da sport. Cur chi cumainza a naiver ed id es naiv avuonda per far buorras as poja far cumbarts da buorras sulla piazza cotschna e sulla rampchera cun oters uffants.

Martin

La 5 e 6avla classa sto adüna sclingir cur chi'd es a fin la posa. Minchatant esa flot da sclingir e per part neir na.

Nus giovain a ballapè, lader e bulla, a tschüffer o alch oter. Eu n'ha gugent la posa. Sch'eu nu sa che far, discuorra simplamaing cun mia amia. Alia

Nus vain da sclingir svess, cur cha la posa es a fin. Sclingir svess nun es flot perquai cha quel chi sclingia sto plüchöntscher verer sün lura co far posa! Da stà passaint eu la posa plüchöntscher cun oters e d'inviern sulet. L'unic magister giouva la gronda part da las posas a ballapè. Da stà van ün pér sün una rampchera a giovar a tschüffer.

Marcel

Cur chi'd es a fin la posa ston quels da la 5 e 6avla classa sclingir per ir aint. Ün magister – sar Duri – giouva cun nus a ballapè. Nus vain üna rampchera, üna piazza da ballapè e sur inviern ün glatsch per ir culs patins. Eu passaint la posa cun giovar a ballapè e minchatant a tschüffer sulla rampchera cun oters uffants.

Saskia

Posa!

I sclingia! Posa! Vuschs otas e bassas, gübels, baderlöz e lura quiet, almain in chasa da scoula. Uossa gira dadoura, sün plazza da scoula. Ma che tambas-chan vairamaing ils scolars dûrant la posa?

Ils scolars da la terza e quarta classa da Sent decleran cun disegns e texts lur activitats dûrant la posa e quintan da posas ün pa specialas.



«Dûrant la posa mang eu fich jent carottas.»

«Cur cha no d'eiran in prüma classa haja plovü dûrant la posa. No vain trat oura las s-charpas ed eschan siglits pè nûd aint in ün fop. Quai d'eira fich lustig.»




«Bler giovaina a lader e pulizia. Bod mincha jada voulan tuots esser ils laders.»

«No giovain bler a 'tocco peis'. Quai es ün gö chi's giouva in blers. Il böt es da tocker il pè da tschel.»



«Üna jada han ils mats gronds miss ad ün scolar in ün tschech da la merda. Tuots riaivan. Eir quel scolar ha ris.»

«D'inviern daina minchanta lavadas. Id es fich fraid scha la naiv va dadaint giò.»



«Eu vegn jent cun mias amias cul 'waveboard'.»

«Eu sun crodà giò dal crap e n'ha ruot il bratsch. Quai ha fat sul mal. Eu n'ha stuvü operar meis bratsch e'l meidi ha miss aint duos fier.»

Dürant las lecziuns dad etica s'han ils scolars da la 4. – 6avla classa occupats culs drets dals uffants. Ils texts sur da la plazza da posa han ils scolars s-chaffi in resguardond il dret da pudair dir lur aigna opinuon.

NOSSA PLAZZA DA POSA

DISCHAVANTAGS:

No vain traïs plazzas da scoula (ün löin davant la chasa da scoula, la plazza da giovar publica e la plazza davant la Chasa Uorgia), ma ningüna inandret. Id es privlus perquai cha no stuvain ir sur la via. Id es seccant cha no stuvain tour resguard süls autos. No vain be paca roba per giovar.

AVANTAGS:

No vain üna bella paraid da ballas. No pudain adüna müdar giò las plazzas.

NO VESSAN GUGENT:

Üna plazza dasper la chasa da scoula, eventualmaing ün trampolin, alch per rampignar, üna maisa da marendà, plazza da ballapè.

(Eliana, Nic, Christian e Mario)



(Angela 2. classa)



(Leonor 1. classa)



(Ladina 2.classa)

PLAZZA DA SCOULA

Nossa situaziun es cha no vain traïs plazzas na uschè optimalas. Ils avantags sun chi's po far differents sports. No vain üna paraid chi's po trar ballas.

Nos dischavantags sun cha las mattas ston sezzer sün üna chaista e nun han ingüns bancs. Ils mats nun han fuonds optimals (p.ex. erba artificiala, plazza cotschna) per giovar cun ballas.

Duos da nossas plazzas sun güsta dasper la via. Quai es privlus.

No vessan jent üna plazza cun duos parts, üna per giovar cun ballas ed üna per discuorrer, Pitturar sül fuond, siglir corda ed amo per otras robas.

Bel füssa d'avair duos chavognas da basketball, duos goals e bancs sün ün fuond qualiv.

Ed il plü important: La plazza stess esser dasper la chasa da scoula.

(Nuri, Inês, Lukas)

PLAZZA DA POSA

Situaziun: No vain traïs plazzas, üna via privlusa, roba veglia chi va planet ruotta, plazzas cha no vain da verer sün otra glieud e chi nun han da chefar culla scoula. Sün tuot las plazzas vaina da tour resguard ad otra glieud.

Positiv: No vain amo roba da giovar. No pudain müdar giò las plazzas.

Negativ: No nu pudain giovar gös da cartas, be gös sül fuond. No vain da verer pro da fluors, autos e fanestras.

Che vessan no jent: Üna plazza da posa dasper la scoula, üna plazza da ballapè, ün lò pacific (per discuorrer, schi'd es chod cun bancs e maisas suot ün tet)

(Florin, Loris, Annina e Julia)



(Diego 1. classa)